

→ WANITA & KELUARGA

# Hilang identiti ketepi busana tradisional

[FOTO AZHAR RAMLI /BH]

→ Ibu bapa tak berani tegur punca anak berpakaian tak ikut majlis

Oleh Nor Hatina Shuib  
hatina@bh.com.my

▀ Serdang

Sikap ibu bapa tidak peduli penampilan anak, terutama anak perempuan menjadikan mereka hilang identiti diri, enggan mengenakan pakaian tradisional walaupun ketika berkunjung ke majlis keramaian.

Keengganan menegur cara pemakaian menyaksikan anak mengenakan pakaian kurang sopan, ketat dan mendedahkan aurat, tidak sesuai untuk majlis dihadiri.

Lebih merisaukan wanita Melayu ketepikan busana tradisional pada majlis perkahwinan sendiri sedangkan pakaian itulah dikenakan nenek moyang mereka.

Pakar Budaya, Prof Dr Siti Zainon Ismail, berkata ibu bapa terlalu mengambil mudah perkara ini berbanding generasi dulu, tegas dalam setiap penampilan.

Berkongsi pengalaman, neneknya pernah menggantung seluar yang dipakai beliau kerana terlalu marah dan menganggap gadis ti-



Siti Zainon berucap pada Bengkel Mengenali Busana Melayu di Muzium Warisan Melayu di UPM Serdang, baru-baru ini.

tidak sesuai mengenakan celana.

**'Restui' tindakan**

"Antara faktor berlaku keadaan sedemikian disebabkan ibu bapa tidak ada kuasa atau tidak berani menegur disebabkan keputusan diserahkan sepenuhnya kepada anak.

"Penampilan sedemikian mencerminkan sikap ibu bapa seolah-olah selesai melihat anak berpakaian tidak sesuai ketika menghadiri sesuatu majlis," katanya pada Bengkel Mengenali Busana Melayu, di Muzium Warisan Melayu, Universiti Putra Malaysia (UPM), di sini, baru-baru ini.

Siti Zainon membentangkan to-



Jati diri wanita Melayu perlu diperkasakan memandangkan semakin tenggelam ditelan arus kemodenan"

Dr Siti Zainon Ismail,  
Pakar Budaya

pik 'Mengenali Busana Perempuan Persalinan Gaya Negeri Selangor, Catatan 130-an hingga 1970-an di Gombak, Selangor'.

Bengkel menyarankan busana negeri Selangor itu diangkat martabatnya menerusi galakan pemakaian busana dan mewujudkan Hari Kebaya seminggu sekali di negeri Selangor.

Fenomena ini kata beliau, memerlukan perhatian semua pihak bagi membolehkan wanita mengekalkan jati diri menerusi penampilan lebih sopan, ini dilihat sebagai pemangkin mencegah hilang sifat kewanitaan dalam diri.

Katanya, asas pendidikan dari

rumah seawal usia penting dan mesti diterapkan sebagai teras pembinaan jati diri supaya tidak terpengaruh dengan budaya luar.

Beliau berkata, jati diri wanita Melayu walaupun sudah 'diragut' sejak kemasukan pengaruh Barat tetapi perkara itu bukan faktor kecenderungan anak muda selesai memilih pakaian yang tidak melambangkan budaya Kemelayuan.

"Menangani isu ini, pereka fesyen perlu memainkan peranan dalam mencipta busana yang menerapkan nilai jati diri Melayu dengan imej sopan menerusi iklan dalam media massa," katanya.